

**ZA:** OSNOVNE I SREDNJE ŠKOLE  
**DATUM:** 05.09.2016.  
**PREDMET:** OBAVIJEST O ŠKOLSKOM NATJEČAJU "LAJK ZA NAUČNU EKIPU"

Poštovani/a,

Agencija Via Media već treću godinu radi na implementaciji kampanje "Lajk za pametnu energiju", u sklopu koje je organizirano preko 60 velikih uličnih događaja u svim krajevima Bosne i Hercegovine te više od 20 radionica u osnovnim školama širom Bosne i Hercegovine.

Zajedničkim djelovanjem sa UNDP-om, Ministarstvom vanjske trgovine i ekonomskih odnosa BiH, Švedskom ambasadam u BiH, Fondom za zaštitu okoliša Federacije BiH, kao i Fondom za zaštitu životne sredine i energetske efikasnosti Republike Srpske predano radimo na podizanju svijesti o pametnoj upotrebi energije kod djece i mladih kroz druženja, konkretne primjere, pitalice, kvizove, online edukativne igrice, video spotove i sl.

Reakcije djece i zainteresiranost za ovu temu su izuzetno pozitivne, a broj članova online zajednice okupljene na Facebook stranici "Profesor Atom" također potvrđuje da je riječ o zanimljivom i značajnom projektu koji djeci pruža mogućnosti informisanja i učenja o pametnoj upotrebi energije, ali i poticanja vlastitog kreativnog i naučnog duha, u širem kontekstu.

U sklopu ove kampanje realiziramo i školski natječaj pod nazivom "Lajk za naučnu ekipu", za grupne naučne radove starijih osnovaca i srednjoškolaca.

Svrha natječaja jeste promovisanje i dizanje svijesti kod mladih ljudi o važnosti pametnog korištenja energije, te promocija mladih nada u sferi nauke, istraživanja, fizike.

Ovim putem Vam se obraćamo sa molbom da podijelite ovu informaciju, kao i vizual natječaja, sa svojim učenicima, odnosno nastavnim kadrom koji je direktno uključen u nastavne ili vannastavne aktivnosti koje potiču naučni duh i stvaralaštvo učenika.

Za sve dodatne informacije, stojim Vam na raspolaganju i budite slobodni kontaktirati me.

S poštovanjem,



Zina Jusić  
Event Manager  
Tel: 063 690 166  
Mail: zina@viamedia.ba